


中國地方志集成

安徽府縣志輯 ⑨


光緒廬江縣志



江蘇古籍出版社 ● 上海書店 ● 巴蜀書社



光緒廬江縣志



(清)	(清)
盧	錢
鉅	燮
纂	鑠
	修

本書十六卷首一卷，據清光緒十一年（一八八五）刻本影印。

序余於柴未煠來宰廬江檢
移交文卷有同治年修而
未成邑志十二冊竊欲足
成史顧以案牘之勞未遑
也越明年春訟事稍簡乃

集邑紳而謂之曰邑志
修於嘉慶八年同治間前
任周君行以率紳重修尋
就他調未及歲事今距嘉
慶修志時七十餘年復經
兵燹簿書燬失耆耄凋謝

若不及時蒐輯恐事多失
傳終將語焉不詳也僉
曰諾乃於季春經始分鄉
採訪所續增者數倍於同
治舊本復以今昔異勢酌
分門類移易改併諸君子

昕宵纂輯不半而稿成
付之剞劂氏又數月而告
竣其於山川田賦諸大端
亦既詳為考訂而於忠孝
節義之事尤加詳焉誠以
嘉言懿行亮節孤忠聞風

與起足資觀感闡遺徽於
往哲示規範於將來誰謂
邑志之修無關於班班人
心也故至同治年左事諸
人槩於周序中添列不忌
勞也

廬江縣志

卷之首

序

三

光緒十一年歲次乙酉仲春月
既望知廬江縣事陽湖錢鏞序



原序

廬江廬州之屬邑畿輔要地也禹貢爲揚州之域在漢爲郡尋
爲邑并潛井龍舒割屬無爲沿革不常而志亦無傳良可惜也
吾鄉周君際之來掌茲邑首以是爲闕典因請於太守陳公謀
諸學博莫君負輩聘邑人別駕王君萬年纂集而相與校正之
比成走幣徵余書弁諸首因復之曰志之來尙矣昔者成周之
制職方所司外史所掌詳且備矣兩漢亦有可稽唐宋輿地圖
經等制亦皆志也惟明洪武一統志以志其大者下而郡邑亦
各有志以志其所當志是皆文獻之徵政事之根本所宜備而
不可闕焉者也矧此首善之地山川人物古昔明徵志尤不可

廬江縣志

卷之首

原序

四

後者際之是舉其知所當務者歟吾見是志一備則凡戶口之
登耗田賦之豐嗇人才之顯晦風俗之純漓制度之因革悉於
是乎見而凡政治之弛張緩急亦於是乎可次第舉矣且夫善
成於感感生於觀自茲厥後吏是邦者希名宦而修德政亦後
之名宦矣生是邦者慕名賢而勵器業亦後之名賢矣生齒之
繁風化之厚人物之盛制度之備皆是志之修爲之張本也夫
豈小補云哉然則際之是舉也非迂也宜也余聞際之有善政
且嘉其知所當務也因忘固陋而爲之序際之名良會別號梅
華山人云

嘉靖二年孟夏月工科給事中臨川鄒架

原序

廬陵思庭劉公令廬江之二年慨然欲新邑志請白湖宛公爲之總裁其共事則邑博龍田康公庠士魏王諸君也將成劉公擢判淮安經府顧公署縣事未幾建齋龔公繼任實成厥志偕白湖公走書南岡屬予爲序予不敏烏足以辱篇端乎哉已而讀志不覺作而言曰美哉鬱鬱廬江之靈彰彰如是乎夫二氣交媾混混茫茫廬江寓乎其間彈丸耳發爲英傑爲珍奇爲山川形勝如諸紀述煥乎文章照耀宇內又何後於通都巨邑也乃寥寥千古迄今日而始一光者譬之家莫非所有抑必賢主厯厯如指諸掌然後一草一木得自表見有生色焉不然即珍

廬江縣志

卷之首

原序

五

異淪於瓦礫多矣然則君子觀斯志也俯仰古今豈不爲之一浩歎耶夫志也者識也譬王之經理其家既竭心思焉又懼後之人忘其所有也爲之紀籍以識之俾後人頃刻一覽而家所有宛然在目肯堂肯構之志勃勃如也審如是仁人相繼而至觸目激衷不將有駕往哲而作俾一邑之靈自是日新月盛而爲簡帙之光者乎則斯志也豈曰小補之哉於是遂書之爲二公復

嘉靖四十二年仲秋月吏部文選司主事郡人蔡悉

原序

邑志志邑也邑之有志猶古列國之有史夫史權是非而昭鑒戒是故考世者必稽焉夫志標前休而策來哲是故秉筆者必慎焉孔子曰文勝質則史謂其詞藻絢麗而是非失真甚矣志不可以不慎也吾廬故有志缺而不修久矣邑侯劉思庭政暇批閱毅然欲輯而新之乃以屬之白湖宛大夫蓋重政體而嚴筆削非賢達如大夫者不可大夫吾師也博雅君子其與人不輕許可則其考覈詳訂必詳且慎不徒藻繪乎詞章以炫燿簡策爲也史稱司馬遷記事不虛美不隱惡而劉向揚雄氏服其敘事謂之實錄乃王仲淹則謂陳壽之書范甯之春秋思過半

廬江縣志

卷之首

原序

六

者猶以遷固而下率競博洽而鮮勸戒不能無遺議焉然則志誠不可以易言也夫以大夫之學之才之公而著之爲志必爲劉揚所稱服而無仲淹氏之所謂遺議將不得爲實錄也乎其間所載官師人物或見思於去後或流光於沒齒使後之當官者見之則惕然修政居鄉者見之則悚然敏德斯志之爲用大矣否則如孔子之所謂史其於志也不亦贅乎若夫考古沿革山川搜羅往蹟以侈耳目快心意恐未足以盡志之蘊也豈秉筆者之所重在此不在彼耶志登梓劉侯以循良遷去建齋龔侯繼之董厥成焉而以序屬不穀蓋劉侯意也姑述其概如此云

嘉靖四十二年仲秋月邑人柳希玘

廬江縣志

卷之首

原序

七

原序

自楚漢迄於宋元廬之在羣舒江淮重地也志曰廬屋廬也廬江者地近江而可廬猶禹貢所謂既宅今縣名始梁武帝大同中置今邑治始唐景龍二年所遷蓋卽漢廬江國故府云壤東與江近西北與肥水龍舒皖桐無爲相繡錯風土亦略似之前代以戰爭侵寇屢經兵燹近世爲益甚余不敏筮仕於茲乍入境行蒿萊荆棘中車及郭以內彌望皆墟就前令憫舍爲公廨頽垣甕牖把茅而居近市而理以言草昧良不誣矣歷七八載田漸闢屯漸興蠶織漸廣虛集漸繁睥睨漸補九塞之闕枚漸啟牆壁之詩書漸聞或曰江之可爲廬其於是乎復哉或曰

廬江縣志

卷之首

原序

八

廬民所不給者賦稅廬令所不卽中程者催科所未加考索者志乘余不敏避席曰催科之拙吾則奚辭志乘吾風願也敢後諸於是求善本於積書家得隆慶中廬江縣志及崇禎初廬州府志告於邑縉紳先生以下文學三老以上謀新斯志而學博錢于兩君毅然任其事會督學李公檄修江南北諸志既請於郡公公許之諸縉紳文學博士因其探蒐研究纖悉不遺一以續一以補一以刊訛凡再踰月而業成余不敏捐俸繡梓未踰年而殺青斯竟皆以余不敏宜有言書其簡端余乃三讀而致歎曰吾於廬志有三信焉有三疑焉有三幸焉諸公之裨益我宏矣哉人言漢毛義孝其母隱於茲捧檄而喜其後辟舉皆不

廬江縣志

卷之首

原序

九

赴吾於童卯時輒訝義爲矯今觀廬之山川風物又揣漢後時
會天下高隱有樂於是者乎信一也人言廬邑處脂膏及吾一
行作吏彫瘵可憐及讀宋王之道縉溪詩有畫橋雕檻湧殿飛
樓之句然後知廬之繁富自古爲然迺明而斷安知生聚之久
不復爲都會乎信二也人言廬有左慈狡獪蟻視魏武又云治
父山歐治子鑄劍之遺鉛澤猶存吾每指爲誕及觀於今長生
久視之老清靜甯壹之言吾嘗目得接而耳得聞蓋公可作其
更有益於治政乎信三也五代時楊行密故宅在廬邑邑金剛
寺是其地行密嘗稱吳王而李太白上吳王詩有曰坐嘯廬江
靜又同吳王送杜秀才入京詩有曰暫別廬江守則廬江在盛
唐有吳王矣何以傳記無考而前此操志者亦不載是詩乎疑
一也廬子國見春秋傳應劭曰廬子國卽廬戎之地按左氏廬
戎自在宜城山中劭誤以中廬之廬爲廬江之廬野客叢談辨
此甚確又左傳昭公二十有七年吳公子燭庸伐潁杜註云潁
在廬江六縣西南故邑亦名潁川似矣然安知非皖國之潁乎
疑二也漢光武出淮陽到監鄉問名焉南史陳敗隋將麥鐵杖
於陵亭監鄉陵亭皆廬江地名散見傳錄而廬志不書廬人亦
不能言其所在疑三也先伯父起家寶雞令得遍秦中雲樹余
不敏縮銅於廬備歷楚淮物色凡周秦以來史冊所載往來心
目間幸一也獲日從廬賢士大夫游而優毛義之裔滌左慈之

廬江縣志

卷之首

原序

十

居封宛春周瑜小喬何晏伍喬諸墓以慰夙心幸二也後之君
子存此志而登風俗於渚古考版籍之闕遺以臻其成詳其略
幸三也諸公之神益我宏矣哉是爲序
順治十三年季秋既望知廬江縣事樂安孫宏喆

原序

典故該於邑志以里之人記里之事詳且悉微且信也若星野疆域官校方物之記前志載之備矣第忠孝節義球壁日臻損益災祥人天時變非歲久續修何以紹將來追往昔也廬邑自崇禎乙亥春獻賊煽虐室之焚燬者幾半逮七閩年屆及壬午則盤踞三季屠戮之慘族無數丁祖龍一炬文獻俱盡毋論邑無藏書即窮鄉僻壤之區頽壁荒原鞠爲茂草繇賊一夕驟至四野俱遍士民挈家而逃衣飾悉捐安能攜帙括也邑侯孫父臺藩帷甫駐卽詢及失誌蒿目憂之延訪數年廩庠吳子愷生偶存其一索閱竟知爲二番所修物也是書初修自嘉靖中年

廬江縣志

卷之首

原序

十一

乃予五世祖鄉進士革齋公秉筆再修自萬歷初年乃予叔高祖歲薦述齋公贊成三修自崇禎壬申年乃予先祖恩貢燕麟公纂集茲三修者弗獲其間不無遺亡然家大人目擊心記猶可補其缺略令君曰是書之續無踰於尊公矣任之不堪辭之未克乃於乙未秋日奉諸上臺指同錢子兩學博暨吳夏家叔諸生等逾月而成繙閱考校又逾年始登諸梓夫彫殘之餘首重生聚祠重教訓生聚則去其病民者如復行條鞭革除僉點大差之弊氓戀樂土永無苛政誌書中倍加詳焉教訓則去其偷民者如表揚文學標忠孝節義之名事必稽實人不忽微誌書中不敢少遺焉孰謂一筆一墨不足以維風而勵俗哉書成

命鼎序之辭曰郡多大老宜景斗山邑求多聞爰飾固陋令君

曰否否攷諸成例邑以人重人以書傳稽往而無微而又奚信焉故不敢辭復不慚其語之質直也

順治十三年季秋之吉邑人王鳳鼎

廬江縣志

卷之首

原序

十二

原序

宇內郡縣星布碁置而縣必有志卽周官之閭史也由是上之省府以進於

天子之廷其意嚴其權重矣然世所傳邑志之良者康德涵之志武功邢子愿之志臨邑董見心之志章邱數家而外亦不多見豈非文獻之徵不足而筆削亦難其任歟廬江去郡百五十里自明末數罹兵燹城郭廬舍蕩析無存而邑志久不可開矣

國初邑令孫君宏喆有事纂修猶屬草創今更四十餘年蠹簡蠹翰殘缺失次欲加補綴其道無由會府憲張公來典廬郡首議修輯期年而郡志成爰命各屬次第舉行又數月而合肥志成

廬江縣志

卷之首

原序

十三

余承乏廬江爰諮於廣陵王君武徵進邑人而議之因其舊而新之略者覈闕者補蕪者理絕者續始事於仲春卒業於季夏乃克要其成而授之梓爲之序曰史學之重也久矣江文通有言史之難無出於志以陳壽之善敘述李延壽之能悉舊事所撰二史俱不克成志誠以憲章所繫非熟於掌故者不能爲也夫興衰理亂所以該歷代之始終而經制典章所以著百王之損益司馬公之通鑑馬端臨之通考各成一書以備參攷而郡邑之志兼而綜之且郡志略而邑志詳略者提其綱詳並斷其目是以難也而在廬尤有難焉者兵燹之後尺籍無稽歷時之久老成凋謝且如一編之中代有廢興制有沿革土有瘠腴歲

有饑穰時有祲祥賦有登下俗有消澆生齒有眾寡稅賦有豐耗官師有臧否政教有隆污人文有闕暢非淹雅之識則無以涵茹古今非貞亮之操則易於任情毀譽非採擇之廣練習之

久則無以融會參伍原始而要終此又其難之難者也余不敏時與鄉士大夫搜遺編於往牒訪軼事於時賢凡例本乎章程書法倣乎國史取茲邑之風土人物服物章采而次第著之以昭法守而裨風化雖不敢自居於良史而較之舊本則加詳矣噫廬之爲邑昔爲灌莽之墟而今且土田日闢人文輩興爲淮右之勝地後之閭俗者其亦覩是編而俯仰今昔欣慨交集也哉則治茲邑者誠宜凜凜於

廬江縣志

卷之首

原序

十四

聖天子澄清吏治軫念民艱之至意務使生聚教訓益嚴駁於太平之盛山川人物輝光相映未可以苟焉而已也是爲序
康熙三十七年歲次戊寅端月知廬江縣事錢塘吳賓彥

原序

余承乏廬江會兩江制府尹公奉

命修江南通志開局鍾山檄所屬州縣蒐羅志乘及人物典故之遺軼以舊萃成書蓋省爲州縣之總會而省志集州縣之大成雖詳略之間體裁各別要必以州縣之志爲始基也明永樂時修一統志經諸儒之手而成後人尙不無遺憾蓋以革命未幾州縣百凡草創未遑詳究典章州縣之志既疎蕪而直省通志遂無從持擇彙而輯焉掛漏舛譌貽譏後世然則縣志之所係顧不重歟我

國家休養生息海內晏然日所出入湛恩無不霑溉大一統之盛

廬江縣志

卷之首

原序

十五

遠邁前朝攬取外史氏所掌以垂不朽誠萬世一時而廬邑地介江淮當南北之孔道其間郡縣分合之故山川城郭昔是今非之迹與夫人民謠俗何以近乎南而殊乎北政教期會何以酌乎古而宜乎今蓋志一邑而一郡之木末將於是推焉數郡之故事亦錯出而附見焉聞見狹則虞其陋採取富又病其譌况夫數十年來忠義貞節之氣焯焯烈烈薄星辰而貫金石者其氏名滅沒或爲蠹鼠蝕殘或爲獭貉噬盡或幽翳於荒江寒屋斷碑殘碣之間而投閣之儒黎邱之鬼紛紜雜出以炫惑是非幸值

盛世休明

天子大臣發潛闡幽之日而不爲之滌除闇汶披發光明何以使淮

南北北之地正氣得伸而山川不悶其靈秀歟所爲閱舊志而汲汲纂修又惴惴焉懼以苟簡滋戾也適江陰孔君庭言在署乃相與商之復延其戚友包君文在同爲參訂始於秋八月迄冬十月竣事上探春秋以來下至於茲清其分野理其沿革凡一名而彼此互見或一邑而犬牙相錯者莫不剖析異同正其疑似疆域既定而人物之流傳宣績之紀載至於帶礪之誓災祲之書胥得援據往冊次第而釐正之其他規制典禮治術民風州次部居亦咸歸條理至若續載人物博訪輿情旁搜家傳窮鄉僻壤不遺父老來前令操三寸弱管以抒其是是非非之

廬江縣志

卷之首

原序

十六

直道而復榜之通衢稽覈再四一人登黜咸若鬼神在旁而指摘交集於是一邑之掌故其千年之疑謬者既爲釐定而近今所續亦庶幾愜於人心而可以傳信於來世以資省志之採擇或免於舛譌之弊矣獨是三閱月而成孜孜蒐討恐尙不無遺漏踵事而增是在後之君子爾是爲序

雍正十年歲次壬子小春月知廬江縣事蓋屋陳慶門

原序

呂之有志尚矣周禮職方氏掌天下之地圖辨其邦國都鄙之人民與其財用五穀六畜之數蓋卽後世志書所由昉自時厥後代有成書明洪武間纂輯一統志以總其全下而州縣亦各勒成一編以備掌故由是制度典章燦然大備不特文獻藉以徵抑亦守土者藉以考政治而昭法守廬江於天文入斗六度地介江淮其間郡縣分合之沿革山川城郭之遷徙與夫流風習俗之洄瀾政教期會之繁簡前志誌之詳矣我

國家承平日久休養生息涵煦數百年廬邑雖地等彈丸而食德飲和既深且久土田開闢人文鬱興蔚然爲淮右之名區江北

廬江縣志

卷之首

原序

七

之巨鎮較之舊志所載日新月盛非隨時增纂其何以紹往昔示來茲乎歲在己未太守鞠國張公來典廬郡立綱陳紀百廢具興公餘之暇慨然有纂修郡邑全志之舉爰命所屬次第舉行果亭魏君以良史之才實宰斯土乃進邑之耆儒碩彥共襄厥事卽舊志而折衷之舉凡分野疆域戶口田賦典禮學校山川人物事蹟風俗諸大端既視舊志加詳其間潛德幽光有善必書無微不闡更復蒐羅詢訪備著於篇信乎斯邑之文獻藉以徵足爲後之守土者考政治而昭法守矣工將竟魏君奉檄調任鄰封予適承乏茲邑復與司事諸君子考訂詳明斟酌盡善俾成完書後之人覩是編而考其禮樂政刑之續典章制度

之詳土田戶口之繁人物山川之美詎不足仰見

聖天子久道化成移風易俗之盛治也歟剗剗既竣邦人士以予例得綴名簡末予既樂觀厥成竊幸附名於諸君子之後有榮施焉爰不辭而爲之序

嘉慶八年歲次癸亥八月既望署廬江縣事錢塘張煥

廬江縣志

卷之首

原序

六

原序

志修於嘉慶八年知縣魏果亭先生成之於署縣錢塘張公也考訂詳明編次切當洵足以備掌故以爲守土助計去今六十有五年矣予初蒞斯邑當兵燹之後百務廢弛善後舉行事多草創苦無成規以資考證而山川疆理文獻典章亦無從考究其顛末乃欲得縣志而綜觀之訪購舊書延詢邑士間得一二卷簡斷編殘莫窺全豹心甚惜之逾年邑紳黃仰范徵士訪尋得之攜以示予予喜甚留置案頭藉窺故實爲撫治資惟板既燬書又僅存碩果之留倍加珍惜尙懼久而散失無以爲將來續修張本因有聚珍刷版爲民間印家諸耆命之依舊文以

廬江縣志

卷之首

原序

十九

刷印不加點竄裝訂完好存署備觀並薦紳家亦廣爲分藏冀不遺失以爲後此續修地計三閱月而工竣爰書數語以誌簡端云

同治七年歲次戊辰五月下澣知廬江縣事連江黃光彬

原序

予於同治八年夏權邑篆是年水災城垣傾圮詳報興修於次年春開工兼庶務殷繁未遑他及適省修安徽通志檄修邑志予懼不學固陋無以副重任而又深喜得討論此邦之典故欣然進邑中賢士大夫而商之時記名提督王君占魁讀禮家居延爲總理前寶應知縣姚君繼韶江蘇候補知縣吳君瑾山西候補知縣許君大同內閣中書張君盛典候選知縣章君金鑑前石埭縣訓導孫君貴鎮孝廉方正黃君業良請爲纂修江西候補同知凌君祚邀爲監局副將張君德新前常州營守備劉君泰來衛千總許君鏌訓導馬君家彥廬君步瀛教諭馬君世

廬江縣志

卷之首

原序

二十

恩州同內君桐縣丞計君如張從九吳君道生貢生龐子繼鏗金子程萬徐子大倫庠生張子金鑑王子立恆朱子錫圭姚子繼康王子瑩鍾子崇欽監生徐子導淮江子學智分鄉採訪其嘉慶八年舊志幸前任黃君質軒重刊因得以尋其端緒閱而年而稿始脫抄送省志局一部存縣署一部未及刊刻而予又奉調宣城縣予因詳覽所續之志皆係舊志所載悉存錄之卽有疑義亦未嘗稍加點竄以失其本真其所增益者皆殉難節孝諸人與夫科目例仕諸類所補列傳者亦復寥寥無幾予本不學固陋喜得討論此邦之典故謹綴數言徒以辱簡端云爾是爲序

同治十年歲次辛未孟夏知廬江縣事奉新周銘

廬江縣志

卷之首

原序

三

廬江縣志歷修銜名

圖

嘉靖二年

主修知縣周良會纂修邑人王萬年

嘉靖四十二年

主修知縣劉裁纂修邑人宛嘉祥王言

崇禎九年

主修知縣張雲鶚纂修邑人王孫謀

國朝

順治十三年

廬江縣志

卷之首

銜名

三

主修知縣孫宏蒞纂修教諭錢念修訓導于有甲

康熙三十七年

主修知縣吳賓彥纂修廣陵王方岐

雍正十年

主修知縣陳慶門纂修江陰孔傳詩包彬

嘉慶八年

總裁知府張祥雲主修知縣魏紹源張煥協修教諭言朝樾訓導江直監局典史朱燾城守韓大鵬總局河南歸德府通判吳光達纂修隨州進士儲嘉珩監貢李光瓊歲貢吳嗣默高郵州學正姚鳴岡副貢黃金臺參訂廣西附貢周嶼浙江監生沈文

錫廩貢吳光輝歲貢徐吉人趙依廩生吳承袞校閱候選教諭
 丁榮禧增生姚槐生員李振翔黃占香姚象樞李基廓候選未
 入流李法探訪監生徐正樞荆溪縣訓導李方巖江西鉛山縣
 縣丞張世祥監生宋啟鏐章正波布政司理問丁茂組貢生金
 智勸捐浙江候補鹽大使丁茂織候選主簿陳德媚州同許士
 薰主簿洪雯監生王兆魁

廬江縣志

卷之首

簡名

三三

廬江縣志現修銜名

總裁

三品銜 賞戴花翎廬州府知府黃雲

主修

同知銜 賞戴花翎陞用直隸州廬江縣知縣錢鏐

協修

廬江縣學教諭洪紹朋

廬江縣學訓導程元愷

監局

署廬江縣典史候補巡檢胡紹沆

廬江縣志

卷之首

簡名

三四

分縣委員候補巡檢丁朝棟

都司銜 賞戴花翎候補守備廬江城守外委朱佩環

纂修

同知銜 候補選知縣盧鈺

試用訓導前署甯國縣訓導朱祝三

道銜 賞戴花翎江蘇候補知府世襲雲騎尉略勇巴圖魯鮑灼

五品銜工部候補主事虞衡司行走霍翔

六品頂戴廩生俞燮奎

參訂

六品頂戴附貢生陳希桂

六品頂戴郡廩生張存本	六品頂戴優廩生朱廷燦	郡廩生俞金庚	採訪勸捐	五品銜賞戴花翎前署東流縣教諭許澄露	五品銜賞戴花翎候選知縣項宗洛	候選鹽大使李業純	五品銜賞戴藍翎候選知縣吳量才	湖北試用同知柯珊	候選教諭宛大來	廬江縣志 卷之首 銜名 三五	增生柯銓	歲貢生李熙載	孝廉方正錢凝和	庠生章炳坤	候選縣丞凌祐	廩貢生許芬	六品銜賞戴藍翎附貢生徐其潛	江西試用同知金國柱	監生張峻	五品銜布政司理問吳大晉
------------	------------	--------	------	-------------------	----------------	----------	----------------	----------	---------	-------------------------	------	--------	---------	-------	--------	-------	---------------	-----------	------	-------------

六品頂戴監生柏蔭森	廩生姚起良	浙江補用從九朱哲文	候選縣丞曹時明	廩生莫先甲	都司張恩沛	庠生唐賢綽	繪圖庠生馬鑾章	廬江縣志 卷之首 銜名 三六												
-----------	-------	-----------	---------	-------	-------	-------	---------	-------------------------	--	--	--	--	--	--	--	--	--	--	--	--

廬江縣志

凡例

一本邑舊志存者惟雍正嘉慶兩志雍正志頗簡淨而率略粗淺處不免嘉慶志較詳賅而蕪雜疏漏處亦不免體裁均未允當茲以嘉慶志為根據而體例之因創分併則用意特殊嘉慶志所未詳者間采雍正志補之

一嘉慶志分大綱十有五細目五十有八其中或有綱有目或有綱無目甚至義不足以相統類不足以相從亦往往前後倒置混為依附殊乖體裁茲悉細為釐剔大綱併而為十細目則視舊加詳務使綱舉目張有條不紊

廬江縣志

卷之首

凡例

三七

一舊志不立天文門然考分野之圖地方百里亦上應星象特取雍正志星野考補之以弁全志之首

一仰以觀天必俯以察地舊志未立輿地門以沿革疆域山川各自為門又別營建為一門頭緒紛出茲悉省併而括以輿地凡麗於地者則按次編入

一廬江係古郡名改而為縣歷朝互有沿革後人引證聚訟紛紜未衷於是嘉慶志特詳加考辨頗為審確茲悉仍之

一舊志山川但列其名間有考證未見精確茲博采羣書參以方輿重加詳按

一水利最關民生休戚舊志以之附於田賦其所徵引不過河

湖原委仍與山川相複茲特移屬輿地並考洩壅利病之由分四鄉以紀之其陂塘隄堰則仍綴於後

一舊志祀典武備併為一門而題曰大事雖本左傳國之大事在祀與戎之語究未妥協今除學宮釋奠列入學校門外凡殯在祀典者統謂之壇廟而移屬於輿地之中

一地利輿則財賦出故次以賦役舊志戶口田賦各自為門今以賦役統之其子目則細為釐正

一既富則需教化學校之設所以崇教化之源舊志特立為專門未詳子目今悉析而列之其祀禮中之從祀考則采省志補入

廬江縣志

卷之首

凡例

三八

一揆文兼資奮武舊志武備不立專門今分之而系以兵制馬政郵遞自粵氛不靖邑城失陷及克復始末俱詳述於兵事中

一宜民善俗端賴守土之官舊志職官有文職而無武職咸豐初外委熊允昇以守城殉節不可不紀特為增入

一論秀書升特崇選舉舊志立選舉門首徵辟次科目諸貢今仍之惟科目之鄉會榜諸貢之五途皆合而書之今一一分別較為明瞭其由廩增附加貢者亦仍舊例綴於諸貢之後若俊秀加貢者不載

一舊志於登仕版者強分吏材例仕殊覺牽混今將文武實官標為仕籍其虛銜則區而列之至六品為止以示限制